



Nótaí don Oide: Rang a hAon agus Rang a Dó

Cúlra do na Múinteoirí

Is litir don domhan í *Laudato Si'*, scríofa ag An Pápa Proinsias. Ciallaíonn *Laudato Si'*, 'Moladh Duit'. Cuireann An Pápa Proinsias i gcuimhne dúinn sa litir gur bronnantas ó Dhia é an domhan. Is do chách an bronnantas seo, is é ár ndomhan, ár n-áit chónaithe choiteann é. Déanann An Pápa Proinsias cur síos ar na rudaí uafásacha atá ag tarlú ar domhan faoi láthair. Meabhraíonn sé dúinn go gcuirtear glao orainn mar Chríostaithe, grá Dé a roinnt ar chách, go forleathan ar fud an tsaoil. Beidh an bronnantas seo a thug Dia dúinn á cheiliúradh againn i rith Sheachtain na Scoileanna Caitliceacha 2017, foghlaimeoidimid faoi Shan Proinsias, agus déanfaimid iniúchadh ar na bealaí inar féidir linn grá a thabhairt don domhan, agus é a chaomhnú.

Cuirtear tús le ceacht an lae trí smaoineamh a dhéanamh ar shliocht ó *Laudato Si'* (LS) ionas go gcuirfean an fhoghlaim i gcomhthéacs theachtaireacht An Pápa Proinsias sa litir thréadach. Tá an doiciméad ina iomláine le fáil ar: w2.vatican.va/content/francesco/en/encyclicals/documents/papa-francesco_20150524_enciclica-laudato-si.html

Spreagann na gníomhaíochtaí a bhaineann leis na ceachtanna seo sinn le bheith gníomhach agus aire a thabhairt don domhan coiteann.

Ón gCuraclam: Leibhéal 2

An Creideamh Críostaí

Rúndiamhracht Dé

- Tugann Dia cuireadh dúinn freagairt ghrámhar a thabhairt (Eoin 13:34–5; Eoin 4:11–12)

Mistéir Íosa Críost

- Léirigh Íosa grá Dé inár leith (1 Eoin 4:9)

Cruthú

- Tá an grá atá ag Dia dúinn le sonrú i mbronntanas an chruthaithe

Mistéir na hEaglaise

- Baineann gach aon chine, gach cultúr, gach aois, gach ábaltacht le clann Dé
- Is é San Proinsias Assisi éarlamh na n-ainmhithe agus an chomhshaoil

Traidisiúin Chreidimh Eile

- Gránn na Críostaithe cách toisc go bhfuil an tAthair céanna ar neamh againn, a ghránn sinne agus a iarrann orainn grá a thabhairt dá chéile
- Is baill de chlann agus de phobal domhanda amháin sinn

Liotúirge agus Urnaí

Urnaí Fhoirmiúil

- Glóir don Athair

Urnaí Spontáineach

Urnaí Bhreise

- Amhrán chun glóire Dé (Salm 95:1–7)
- Iomann chun glóire Dé (Salm 100:3–5)

Briathar Dé

Plean Grámhar Dé don Slánú

- Scéal an Chruthaithe (Gein. 1–2:3)
- Gabhaimid buíochas le Dia (Salm 9:1)
- Molaimis an Tiarna (Paidir) (Salm 95:1–7)
- Molaimis an Tiarna (Paidir) (Salm 100:3–5)

Saol Poiblí Íosa

- An Seachránaí Caorach (Mth. 18:12–14; Lúc. 15:1–7)
- Zacháias (Lúcás 19:1–10)
- An Pairiliseach a Leigheasadh (Mth. 9:1–8; Mc. 2:1–12)

Moráltacht Chríostaí

Saoirse an Duine agus Freagracht

- Is féidir linn dea-roghanna nó droch-roghanna a dhéanamh
- Bíonn tionchar ag na roghanna a dhéanaimid orainn féin agus ar an duine eile
- Is féidir linn maireachtáil ar nós Íosa

Láithreach Ghrástúil Dé

- Cabhraíonn an Spiorad Naomh linn maireachtáil ar nós Íosa

Teagasc Sóisialta na hEaglaise

- Thug Íosa aire don domhan cruthaithe
- Tá an fhreagracht ar an uile dhuine aire a thabhairt don chomhshaoil
- Bhronn Dia an intleacht agus an scil orainn aire a thabhairt don domhan

OCG i gComhthéacs Críostaí

- Bíonn freagracht ar bhaill an teaghligh as a chéile



An Luan: Áilleacht an Domhain Choitinn a Aithint

Sliocht Machnaimh: 'Nuair a thuigimid go lonraíonn Dia ón uile rud a cruthaíodh spreagtar ár gcroí le Dia a mholadh as an uile neach beo agus déanaimid é a adhradh in éineacht leo'. (LS 87)



Breathnaímis

Cuir tús leis an gceacht seo faoin aer más féidir. Déan taithí na ndaltaí maidir leis an saol timpeall orthu a phlé.

- Ainmnídis gach a bhfeiceann /a chloiseann/a bholaíonn/a mhothaíonn siad.
- Cad é an radharc/an fhuaim/an dath/an boladh/an uigeacht is ansa leo?
- Conas mar a mhothaíonn siad nuair a chuimhníonn siad ar an rud is ansa leo?

Urnaí

(Bunaithe ar Shalm 95)

Dia istigh ionainn ... (Crosáil do lámha ar do chroí)

Dia os ár gcionn ... (Lámha amach ceann faoi chlé, ceann faoi dheis, leibhéal uillinne, bosa in airde)

Cruthaitheoir an domhain ... (Lámha os do chomhair, leibhéal gualainne, bosa in airde)

Gabhaimid buíochas leat as bronntanas an chruthaithe (Lámha ceangailte ag guí) Amen.



Foghlaimímis

Léimid sa Bhíobla gur bhronn Dia an domhan mar thaisce orainn. Is do chách na bronntanais seo a thug Dia dúinn. Tugaimid an domhan ar bhronntanas Dé. Is é seo ár n-áit chónaithe. Áit chónaithe do chách atá ann. Nuair a léimid tús an Bhíobla cuireann sé na rudaí iontacha ar chruthaigh Dia i gcuimhne dúinn.

Roinn Scéal an Chruthaithe leis na daltaí.

Nóta: Tá leagan leasaithe de na Scrioptúir ar fáil:

- *Ag Fás i nGrá*, Rang a hAon, Téama 9: An Cruthú, Ceacht 1: Rinne Dia an domhan, lth. 242-3; Ceacht 2: Chruthaigh Dia sinn ... is daoine speisialta sinn, lth. 248
- *Ag Fás i nGrá*, Rang a Dó, Téama 9: An Cruthú, Ceacht 1: Chruthaigh Dia sinn, lth. 242

Féach ar na físeáin ag Téama 9: An Cruthú, 'Áilleacht Chruthú Dé' agus 'Ag tabhairt aire don domhan.

Iarrann Dia orainn aire a thabhairt don domhan álainn seo ina mairimid. Áit chónaithe atá ann le gur féidir le cách é a roinnt. Roinnimid grá Dé nuair a thugaimid aire don domhan. Tugaimid **moladh** do Dhia agus gabhaimid buíochas leis as an saol álainn seo.

Nuair a thugaimid moladh do Dhia, gabhaimid buíochas leis, chomh maith.

Nóta: Tá acmhainní físeán eile ar fáil:

BBC Planet Earth – 'Hoppipolla', Amhrán le Sigur Rós (HD): vimeo.com/140574110

Planet Earth II: Réamhfhógrán Breisithe Oifigiúil – BBC Earth: www.youtube.com/watch?v=c8aFcHFu8QM

(Bí cinnte faoin ábhar a fheiceáil sula dtaispeánann tú do na daltaí é!)



Mairimis

Is féidir leis na daltaí freagairt don domhan coiteann a thabhairt ar bhealaí éagsúla (m.sh. dathaigh, línigh, colláis agus araile). Dathaigh agus seicheamhaigh an scéal faoi Dhia ag cruthú an domhain mar atá ar leathanach gníomhaíochta Dé Luain.







Amhrán: 'Gifts of God' (Bernard Sexton)



An Luan: Áilleacht an domhain choitinn a aithint – Leathanach Gníomhaíochta

Dathaigh na pictiúir, gearr amach gach bosca agus greamaigh síos san ord ceart iad



Rinne Dia na héin is na héisc! 	Rinne Dia na hainmhithe is na daoine! 	Rinne Dia an solas! 
 Rinne Dia an talamh is an mhuir, plandaí is crainn!	 Rinne Dia an ghrian, an ré is na réaltaí!	 Rinne Dia an spéir!





An Mháirt: Ag tabhairt aire don domhan coiteann

Sleachta Machnaimh: 'Ná bímis ag ceapadh gur rud scoite amach uainn an nádúr, ná suíomh gan tábhacht ina mbímid ag cur faoi. Is cuid den nádúr muid féin, cuid bhunúsach de, agus bímid i gcónaí ag idirghníomhú leis dá bharr.' (LS 139)

'Creidim gurb é San Proinsias an sampla is fearr atá ann den duine a thabharfadh aire don rud leochaileach, an saghas duine a mhairfeadh go macánta lúcháireach ar bhealach a réitíonn go hiomlán leis an éiceolaíocht.' (LS 10)

'Bhí San Proinsias dílis don Scrioptúr, agus mhol sé dúinn breathnú ar an nádúr mar leabhar niamhrach ina labhraíonn Dia linn agus trína dtugann sé radharc dúinn ar a áilleacht féin agus ar a fhiúntas gan teorainn.' (LS 12)



Breathnaímis

Cuir obair an lae inné i gcuimhne do na daltaí.

- Cé a chruthaigh an domhan?
- Déan liosta de na rudaí áille atá le sonrú ar domhan.

Bhí ceacht an lae inné ag díriú ar fhocal speisialta: **moladh**.

Idirdhealú: Tabhair aistriúchán dóibh: *Laudato Si'*. Mínigh do na daltaí gur seo an Laidin ar 'Moladh Duit'. Is teanga ársa í an Laidin a labhraíodh fadó sa Róimh.

Inniu díreoimid ar fhocal úr: **aire**.

- Conas a thugaimid aire dár gcairde/do na fiacra/don chorp/don teaghlach/don timpeallacht?
- Cad a tharlódh dá mbeimis ar nós 'cuma liom' agus a bheith ag brath ar dhaoine eile aire a thabhairt do na rudaí tábhachtacha a bhí le déanamh?

Abair leis na mic léinn samplaí a thabhairt chun cuimhne faoi bheith ag tabhairt aire

- Cén uair a thug íosa aire don duine eile?

Roinn ceann de na scéalta seo leis na leanaí:

- An Pairiliseach a Leigheasadh (Mth. 9:1–8; Mc. 2:1–12)
- An Seachránáí Caorach (Mth. 18:12–14; Lúc. 15:1–7)
- Zacháias (Lúc. 19:1–10)

Nóta: Tá leagan leasaithe de na scríoptúir ar fáil ag:

- *Ag Fás i nGrá*, Rang a hAon, Téama 2: Íosa, Ceacht 3: Leigheas Íosa na Daoine, lth. 66; Téama 5: Athmhuintearas, Ceacht 2: An seachránáí caorach, lth.149
- *Ag Fás i nGrá*, Rang a Dó, Téama 5: Athmhuintearas, Ceacht 2: Rinne Zacháias droch-roghanna, lth. 154–5

Paidir

A Dhia Ghrámhar, molaimid tú as na bronntanais áille a roinneann tú linn. Cabhraigh linn a bheith grámhar cúramach díreach ar nós do mhac Íosa. Deonaigh go gcuimhneoidimid ar aire a thabhairt i gcónaí. Amen.



Foghlaimímis

Iarrann Dia orainn aire a thabhairt dá chéile agus don domhan álainn timpeall orainn. Nuair a thugaimid aire dá chéile agus don timpeallacht, tuigimid go maith go mbíonn Dia sásta linn. Bíonn Dia sásta linn toisc go ndearnamar an méid a d'iarr Íosa orainn.





Taispeáin íomhá An Pápa Proinsias do na leanaí. Spreag iad le comhrá a dhéanamh faoi. Is féidir an íomhá a phriontáil agus a chur san Áit Urnaí.

Nóta: Tá eolas faoi An Pápa Proinsias ar fáil ag: www.adw.org/wp-content/uploads/2015/05/Trifold-on-Pope-Francis-for-Children.pdf

Tá cúram ar leith ar An Pápa Proinsias. Roghnaigh Dia é leis an mbealach maireachtála a lorgaíonn Dia uainn a mhúineadh dúinn. Roghnaigh An Pápa Proinsias an t-ainm sin toisc gur fhoghlaim sé féin conas aire a thabhairt don chomhshaol ón bhfear sin, Proinsias. Tugann An Pápa Proinsias 'a threoraí agus a inspioráid air.' (LS 10)

Nóta: Tuilleadh eolais faoi Shan Proinsias:

- *Ag Fás i nGrá*, Naíonáin Shóisearacha, Téama 2: Ár ndomhan, Ceacht 3: Is féidir linn aire a thabhairt don domhan
- *Beo go Deo* 6, Téarma 1, Ceacht 4: Tugann San Proinsias aire don domhan

Thug San Proinsias aire don uile ghné den domhan iontach a chruthaigh Dia. Insítear go leor scéalta faoi Phroinsias agus faoin na bealaí inar chabhraigh sé le daoine a thuiscint gur bronnantas álainn ó Dhia é an domhan. Mhúin San Proinsias do dhaoine conas meas a bheith acu ar an domhan a chruthaigh Dia, agus conas é a mholadh as a chuid oibre. Is féidir linn meas a léiriú má thugaimid aire don timpeallacht.

Nóta: Tuilleadh eolais:

- An Mac Tíre á Cheansú ag San Proinsias: www.youtube.com/watch?v=TNDFJJvI77E
- San Proinsias agus An Mac Tíre: www.youtube.com/watch?v=k8227Vy4d28

Féach agus Freagair

Taispeáin íomhá Shan Proinsias agus an Mac Tíre do na daltaí agus iarr na ceistanna seo orthu.

- Cad atá le feiceáil?
- Cé mhéad duine sa phictiúr?
- Cad iad na créatúir atá le sonrú sa phictiúr?
- Cé mhéad acu atá le feiceáil?
- Cad a deir an fear leis an mac tíre, an dóigh leat?





San Proinsias agus an Mac Tíre

Na blianta fadó, nuair a bhí Proinsias ina chónaí i nGubbio, tháinig mac tíre allta as an gcoill agus thug sé faoi bheithigh na háite. Go luath ina dhiaidh sin thosaigh sé ag tabhairt fogha faoi mhuintir na háite, agus á n-ithe. Bhíodh sé de nós ag an ainmhí fíochmhar fanacht i bhfolach taobh amuigh de gheata an bhaile agus an duine a tháinig amach a ionsaí. Ní fhéadfadh fear nó bean an mac tíre a cheansú, agus bhain deireadh fuilteach le cuid acusan a rinne an iarracht! Ní fada go raibh muintir an bhaile scanraithe go mór ag an mac tíre. Ag an deireadh, dúirt Proinsias go rachadh sé féin amach chun bualadh leis an mac tíre. Mhol an pobal dó fanacht amach ón ainmhí fíochmhar, ach bhí Proinsias suite ar theagmháil a dhéanamh leis an gcréatúr a chuir scéin ar na daoine go léir. Chuaigh sé go dtí geata an bhaile, ghearr sé fíor na croise air féin, agus shiúil sé amach faoin tuath. Lean an slua é, ach d'fhanadar siar go maith. Nuair a tháinig Proinsias i ngiorracht do bhrocais an mhac tíre, thug an slua faoi deara gach ar tharla, cé nach rabhadar ró-ghar don áit.

Thug an mac tíre Proinsias faoi deara agus rith ina threo agus leathadh béil air. Ghearr Proinsias fíor na croise air féin agus dúirt de ghuth ard leis an mac tíre éirí as. Baineadh an anáil den slua, níor chreid siad an rud a chonaiceadar. Mhoilligh an mac tíre, tháinig sé go mall i dtreo an Naoimh, agus leag sé a cheann ar a láimh.



Labhair Proinsias leis an ainmhí ceansaithe. 'A dheartháir mac tíre' ar sé, 'tá rudaí uafásacha déanta agat. Scanraigh tú pobal iomlán an bhaile. Ba mhaith le cách go gcuirfí deireadh leat. Le do thoil, a dheartháir mac tíre, éirigh as a bheith ag tabhairt foghanna faoin bpobal. Bíodh síocháin eadrainn.'

Arsa an mac tíre: 'Bheadh áthas orm síocháin a dhéanamh libh. Tá rudaí uafásacha déanta agam, agus tá aiféala orm faoi sin. Má chuireann muintir an bhaile beagán bia amach dom in aghaidh an lae, ní bheidh ocras orm agus ní bheidh aon ghá ann le go mbeinn ag tabhairt foghanna faoin bpobal riamh arís.'

Shín an mac tíre lapa chuig Proinsias agus roinneadar comhartha na síochána lena chéile. Ansin rinne Proinsias an mac tíre a thionlacan ar ais i dtreo an bhaile, agus baineadh stad as an uile dhuine a chonaic é. Thug Proinsias seanmóir i lár an aonaigh. Labhair sé le cách. D'iarr sé orthu maireachtáil go síochánta le gach ar chruthaigh Dia. Bhí an mac tíre ag luí síos in aice leis, agus é ag caint. Ón lá sin ar aghaidh smaoinigh muintir an bhaile ar bhia a chur amach don mhac tíre, agus nuair a fuair sé bás, cuireadh in áit ar leith é.



Thug San Proinsias 'deartháir' nó 'deirfiúr' ar an uile chréatúir, beag nó mór.

Cabhraíonn sé seo linn tuiscint a bheith againn gur ceart dúinn aire a thabhairt don domhan ar fad ar an mbealach céanna ina dtugaimid aire dár ndeartháireacha agus dár ndeirfiúracha féin.



Mairimis

Déan Machnamh

- Conas a thugaimid aire don domhan a chruthaigh Dia?
- Conas a thugaimid aire do na créatúir a chruthaigh Dia?

Spreag na daoine a bhfuil peataí acu le rá conas mar a thugann siad aire dóibh.

Thug San Proinsias 'deartháireacha agus deirfiúracha' ar gach ar chruthaigh Dia.

- Conas is ceart dúinn déileáil lenár ndeartháireacha agus lenár ndeirfiúracha féin?
- Conas is féidir linne déileáil leis an saol mar dheartháireacha nó deirfiúracha?

Paidir

Iomann Molta (Bunaithe ar Shalm 100:3–5)

(Déanann na daltaí aithris ar an múinteoir)

A Thiarna ár nDia,

Molaimid tú as an domhan álainn a chruthaigh tú.

Molaimid tú as an chine dhaonna a chruthú.

Molaimid tú as an mbeatha ar fad a chruthaigh tú.

Gabhaimid buíochas go lúcháireach.

Molaimis an Tiarna, Molaimis an Tiarna.



An Mháirt: Ag tabhairt aire don domhan coiteann – Leathanach Gníomhaíochta

Dathaigh an pictiúr: San Proinsias agus an Mac Tíre





An Déardaoín: An domhan coiteann á chosaint

Sleachta Machnaimh: *'Iarraim go práinneach oraibh comhrá úr a chur ar bun maidir leis an mbealach ina roinnfimid todhchaí an phláinéid. Ba cheart go mbeadh comhrá cúramach uileghabhálach ann, toisc go mbíonn tionchar ar chách ag an dúshlán comhshaoil atá romhainn, géarchéim atá bunaithe ar ár stíl maireachtála féin.'* (LS 14)

'Tá an domhan, ár n-áit chónaithe coiteann, ag iompú de réir a chéile ina charn mór aoiligh.' (LS 21)

'Tá na fadhbanna truaillithe agus fuíollábhair fite go dlúth leis an gcultúr aonúsáide ...' (LS 22)

'Ní féidir leis na mílte speiceas Dia a ghlóiriú a thuilleadh, toisc gur chuireamar deireadh leo. Ní labhraíonn siad linn níos mó. Níl sé de cheart againne deireadh a chur le speiceas ar bith.' (LS 33)



Breathnaímis

Déan athmheas ar an tuiscint atá againn maidir le bronnantas an Chruthaithe. Tabhair chun cuimhne na daoine a deir linn aire a thabhairt don domhan (An Pápa Proinsias agus San Proinsias). Déanfaimid iniúchadh inniu ar an mbrí a bhaineann leis an tuiscint atá ag An Pápa Proinsias maidir leis an domhan coiteann.

Paidir

Moladh duit a Dhia,
as na bronnantais áille a roinneann tú linn.
Gabhaimid buíochas leat as an uile rud a thugann tú dúinn.
Cabhraigh linn gach ar chruthaigh tú a chosaint agus a chaomhnú.
Amen.



Foghlaimímis

Deir An Pápa Proinsias ina litir gur domhan gortaithe atá againn faoi láthair.

- Ar gortaíodh tú féin riamh? Cad a tharla?
- Ar thug aon duine aire duit? Cad a rinne an duine sin duit?
- Conas mar is féidir an domhan a ghortú?
- Cén fáth go mbeadh an domhan brónach?
- An bhfaca tú féin aon rud ar domhan a chuirfeadh faoi bhrón tú?

Breathnaímis ar fhíseán a mhíníonn litir an Phápa Proinsias: www.cafod.org.uk/Education/Primary-schools/Laudato-Si-animation

Nóta: Tá acmhainní a bhaineann leis an bhfíseán ar fáil: www.cafod.org.uk/content/download/26710/245753/version/4/file/Laudato%20Si%20animation%20guide%20with%20poster.pdf. Tá breis acmhainní ar fáil ó Thrócaire ag: www.trocaire.org/getinvolved/education/resources



Mairimis

D'fhéadfaí glantachán earraigh a dhéanamh maidir le málaí scoile, an seomra ranga, nó timpeallacht na scoile. (Beidh deis ann athmheas a dhéanamh ar an mbealach ina ndéileáiltear le dramhail ar scoil.) Glac grianghraif 'roimh ré' agus 'i ndiaidh'. Spreag na daltaí le go leanfaidís leis an nglantachán earraigh sa bhaile.


Tabhair cóip an dalta dóibh de Leathanach Gníomhaíochta Dé Déardaoín agus cabhraigh leo an cód a scaoileadh agus an domhan a mhaisiú.

An Déardaoin: An domhan coiteann á chosaint againn – Leathanach Gníomhaíochta

Scaoil an cód agus dathaigh an domhan

Freagra	=	Dath
6, 7	=	Glas
8	=	Gorm
11	=	Oráiste
12, 14, 15	=	Do Dhath Chraicinn Féin
13, 16	=	Buí

Tugaimid aire don domhan





An Aoine: An domhan coiteann á roinnt againn

Sleachta Machnaimh: 'Cé go bhfuilimid suite air gur tógadh gach duine in íomhá Dé, caithimid a thuiscint go bhfuil a ról féin ar domhan ag cách. Ní duine iomarcach é duine ar bith. Tugann an chruinne ar fad cur síos dúinn ar ghrá Dé, agus ar an gcion gan teorainn atá aige dúinn. An talamh, an t-uisce, na sléibhte: tá teagmháil Dé le sonrú i ngach aon cheann acu.' (LS 84)

'... caithimid a thuiscint gur taisce shaor a bronnadh orainn é an domhan, caithfidh é a roinnt le cách.' (LS 159)

'Tá dúshlán cultúrtha, spioradálta, oideachasúil romhainn, agus iarrfar orainn cur chuige ar aistear fada na hathnuachana.' (LS 202)




Breathnaímis

Bhí an méid a chruthaigh Dia faoi chaibidil againn i rith na seachtaine. Mholamar Dia agus ghabhamar buíochas leis as an domhan seo, an domhan a roinnimid lena chéile. D'éisteamar leis an scéal faoi Shan Proinsias agus chualamar gur chabhraigh sé le pobal Ghubbio meas a bheith acu ar an uile chréatúir. Chuir An Pápa Proinsias litir amach chuig an domhan ar fad. Sa litir sin d'iarr sé ar an uile dhuine an domhan a chosaint agus aire a thabhairt dó.

Paidir

Glóir don Athair





Foghlaimimis

Nuair a thugaimid aire, ní bhímid ag smaoineamh orainn féin amháin, bímid ag smaoineamh ar an duine eile agus ar an timpeallacht chomh maith.

Tabhair chun cuimhne na rudaí a rinneadar sna cláir Scoileanna Glasa.

- Cad a dhéantar leis an mbruscar agus leis an bhfuilleach?
- Conas is féidir fuinneamh a chaomhnú?
- Conas is féidir uisce a chaomhnú?
- Conas is féidir linn a bheith sláintiúil agus maolú ar an truailliú aeir?
- Conas a thugaimid aire do na plandaí agus d'ainmhithe na timpeallachta?

Nóta: Eolas ar fáil ag: www.greenschoolsireland.org/



Mairimis

Déan cinneadh faoi na rudaí a dhéanfaidh an rang sna laethanta atá le teacht, leis an domhan coiteann a chosaint.

Iarr ar na daltaí litir a scríobh chuig An Pápa Proinsias ar Leathanach Gníomhaíochta Dé hAoine, agus míneoidís an plean atá acu maidir leis an aire a thabharfaidh siad don domhan coiteann. Bíodh sonraí sa litir faoin gcuid den domhan cruthaithe is ansa leo, agus faoi conas mar a thugann siad aire don timpeallacht. Déan na litreacha a chur ar taispeáint san Áit Urnaí. Is féidir cuid de na litreacha a léamh ag an tionól scoile más maith libh, nó ag an Aifreann i rith Sheachtain na Scoileanna Caitliceacha 2017.



An Aoine: An domhan coiteann á roinnt – Leathanach Gníomhaíochta

Scríobh an litir agus maisigh an leathanach

A Phápa a Chara,

Ó: _____

